

13207

944

部-48







欽定四庫全書考證

武英殿聚珍版

卷九十八 集部

御定全唐詩



臣 吳廷選恭校

御定全唐詩

目錄上

韓王從善案徐騎省集有鄭王從善薈薇詩即本書所收者又有鄭王加元帥江寧尹制其詞曰我有愛弟云云疑當作鄭王為正此同五代史及馬陸南唐書目錄下

裴羽仙刊本仙訛先據八百一卷標名改

卷三

明皇帝幸蜀西至劔門注肅宗至德二載刊本載訛年據唐書改



卷四

肅宗皇帝小傳二十三年更名璿明年立爲皇太子案唐書肅宗紀立爲太子係開元二十五年之明年乃二十六年也此處節去二十五年事則似二十四年矣誤

德宗皇帝重陽日中外同歡以詩言志爽節在重九刊本爽訛爰 又萬寶行就稔刊本寶訛實並據別本改

卷五

文德皇后小傳作女則十篇刊本十訛一據唐書本傳

改

上官昭容駕幸溫泉宮獻詩其一三冬季月景龍年刊本龍訛隆據唐書中宗紀改

卷六

信安王禕小傳太宗孫吳王恪次子案唐書太宗九王傳太宗子恪恪子琨琨子禕此恪字當是琨字之訛卷十

祀園丘樂章凱安注更隋文舞曰治康刊本更訛舞據唐書改

卷十二



禪社首樂章太和五音克備八變聿施刊本變訛音據  
郭茂倩樂府改

享先農樂章咸和案咸郭茂倩樂府作誠與此異

卷十三

享太廟樂章長發舞濬哲維唐刊本濬訛睿據別本改

卷十四

太清宮樂章登歌禮潔烝嘗刊本禮訛理據郭茂倩樂  
府改

儀坤廟樂章肅和注太子洗馬昭文館學士刊本館訛

閣據唐書改

安和神謀出廟廷刊本出訛及據郭茂倩樂府改

卷十五

享惠昭太子廟樂章請神歆其潔精刊本歆訛歌據郭

茂倩樂府改

卷十六

梁太廟樂舞辭撤豆籩豆斯撤刊本籩訛籩據郭茂倩

樂府改

後唐宗廟樂舞辭雍熙舞九功式敘刊本功訛成據郭

茂倩樂府改

漢宗廟樂舞辭顯仁舞詰且修明祀刊本修訛備據郭



茂倩樂府改

周宗廟樂舞辭注僖祖室奏觀成之舞案郭茂倩樂府  
引唐餘錄錄僖祖室下有奏章德之舞義祖室奏善慶  
之舞慶祖室十六字檢下文歌詞有章德舞善慶舞  
二章此脫

卷十八

橫吹曲辭注三曰饒吹部其樂器與饒鼓部同刊本饒  
鼓訛羽葆據郭茂倩樂府改

出塞注耿漳刊本漳訛緯今改後並同

卷十九

相和歌辭注其器有笙笛節鼓琴瑟琵琶箏七種刊本  
鼓訛歌據唐書改

王昌齡從軍行其三總是關山舊別情案舊王龍標集  
作離

卷二十

鮑溶怨詩碧階封綺錢刊本封訛對據郭茂倩樂府改

卷二十一

清商曲辭刊本訛作相和歌辭據郭茂倩樂府改

張若虛春江花月夜不知江月待何人案待別本作照

卷二十二



舞曲歌辭注所屬者代起舞刊本所訛相據郭茂倩樂府改

吳俞兒舞歌注渠借席烏夜啼之屬刊本借訛借據郭茂倩樂府改

卷二十三

雍朝飛操注犢牧子七十無妻刊本牧訛沐據郭茂倩樂府改又案古今注作牧犢子與此又異

卷二十四

韓翃少年行青絲結尾繡纏髻刊本髻訛驄據郭茂倩樂府改

卷二十五

元稹俠客行海波分作兩處生刊本波訛濱據長慶集改

卷二十六

吳融古別離海上兩潮長自返刊本自訛不據郭茂倩樂府改

李商隱無愁果有愁曲中含福皇包世度案皇義山集作星

李賀夜坐吟刊本賀訛白據長吉集改

卷二十七



水調歌入破第二此曲只應天上有刊本有說去據本  
集及杜工部集改

伊州歌刊本州訛川今改

蓋羅縫其一但願龍庭神將在案龍標集願作使庭作  
城

其二寒雁春深歸去盡刊本雁訛鳥據龍標集改

回波樂回波爾時酒卮案時通鑑作持此據舊唐書

卷二十八

溫庭筠楊柳枝其七景陽樓畔千條露刊本畔訛伴據

溫飛卿集改

牛嶠楊柳枝其四莫教移入靈和殿刊本教訛交據花

間集改

卷三十一

魏徵五郊樂章赤帝舒和千里溫風飄絳羽刊本絳訛  
降今改

卷三十二

褚亮祭方丘樂章舒和三才保合四時邕刊本才訛材  
今改

卷三十七

王績田家其三抽簾將益炬刊本將訛持據東臯集改



在京思故園見鄉人問案東臯集入下有遂以爲三字  
遊仙其二上自芝蘭徑刊本自訛月據東臯集改

卷三十八

杜之松小傳博陵曲陽人刊本陽訛阿據唐書地理志

改

卷四十

上官儀奉和秋日卽目應制仙歌臨枿指刊本枿訛詣  
據班固西都賦改

卷四十四

元萬頃小傳遇赦還爲北門學士案舊唐書本傳作會

赦還拜著作佐郎入禁中修撰朝廷疑議皆參令決  
以分宰相之權時人謂之北門學士非有官名北門  
學士也此誤

郭正一小傳定州鼓城人刊本鼓訛彭據唐書宰相世  
系表改

卷四十七

張九齡感遇其四歸期覺神變案覺唐文粹作覽與此  
異

卷四十八

郡南江上別孫侍御刊本江南二字互倒據曲江集改



卷四十九

祠紫蓋山經玉泉山寺留迹豈埋沉刊本埋沉訛沉湮

據曲江集改

與弟遊家園園果釀新秋刊本釀訛讓係沿舊本曲江

集之誤今據張世綱重刻曲江集改

卷五十一

宋之間有所思美人曠延行刊本延訛遙據郭茂雋樂

府改

卷五十九

李嶠市詎肯挂秦金刊本金訛巾案此自用不韋懸金

事今改

卷六十四

姚崇小傳授濮州司倉案新唐書本傳作司倉參軍此

從舊唐書

卷六十七

賈曾祭汾陰樂章蠲我饑饉刊本饑訛漸據舊唐書樂

志及本書樂章改

卷七十三

蘇頌奉和聖製人日清暉閣宴羣臣天上奏薰歌刊本

奏訛奉今改



卷七十四

奉和聖製幸望春宮送朔方大總管張仁直刊本朔方  
二字互倒今改

卷七十七

駱賓王疇昔篇浹江拂潮衝白日案拂本集作沸

卷七十八

咏雪影亂銅鳥吸刊本吸訛吹據本集改

丹陽刺史挽詞其二惻愴桓山羽刊本桓訛恆今改

卷七十九

春晚從李長史遊開道林故山霞影入仙杯刊本霞訛

靈據本集改

卷八十三

陳子昂小傳爲麟臺正字刊本麟訛靈據唐書改

卷八十四

南山家園十韻階庭橫古今案橫本集作懷

卷八十五

張說唐封泰山樂章雍和絜粢豐盛刊本訛粢盛絜豐

據舊唐書改

舒和樂九韶兮神人感刊本韶訛歆據樂章改

凱安刊本安訛和據樂章改



卷八十六

送王光庭言別悵悠悠案言本集作會

江路憶郡雲濤戀山海刊本濤訛涓據本集改

卷八十七

奉和聖製過寧王宅應制一字盡千金案盡本集作重

卷九十一

韋嗣立酬崔光祿言忘道益貞刊本貞訛真今改

卷九十四

員半千小傳應八科皆中刊本皆中訛師舉據唐書本

傳改

卷九十九

盧僎送蘇八給事春帆向楚長刊本長訛常據別本改

卷一百四

蕭至忠送張仁直赴朔方刊本脫仁字今增

卷一百八

宇文融小傳坐事貶巖州刊本巖訛嚴據唐書本傳改

卷一百十一

王邱扈從南出雀鼠谷之作刊本雀鼠二字互倒今改

卷一百十四

周瑀臨川山行朝見青山雲刊本雲訛雪今改



卷一百十六

張子容永嘉卽事地濕似長沙刊本地訛此據別本改

卷一百十八

孫逖揚子江樓驛道青楓外刊本青訛清據別本改

卷一百二十三

盧鴻一樾館序乖其實矣刊本實訛賓今改

卷一百二十五

王維送張舍人佐江州彭蠡常好之刊本彭訛范據右丞集改

燕支行朝廷不數貳師功案丕文苑英華作莫

魚山神女祠歌注一作魚山神女智瓊祠刊本智瓊二

字互倒 又至濟北魚山下陌上刊本陌訛陷並據

右丞集改

卷一百二十六

輞川閒居青菰臨水拔案拔右丞集作映

卷一百二十八

哭孟浩然江山空蔡洲刊本洲訛州據水經注改

卷一百三十

崔顥贈涼州張都督刊本涼訛梁案唐書地理志梁州無都督府涼州有之今據改



長干曲其二自小不相識案自別本作生

卷一百三十九

儲光義題虬上人房山暝竹園深刊本與訛溟今改

卷一百四十

王昌齡送韋十二兵曹案十二文苑英華作十四

卷一百四十七

劉長卿小傳貶潘州南巴尉刊本巴訛邑據唐書地理志改

遊南園偶見陰牆下葵刊本見下衍在字據劉文房集

刪

卷一百四十八

送韓司直季子留遺廟刊本留遺訛楊柳據劉文房集改

疲馬青青塞草春刊本塞訛寒據劉文房集改

送嚴維赴河南暮情思鏡水刊本思訛辭 又偏沐漢

朝恩刊本偏訛徧據劉文房集改

卷一百四十九

石梁湖有寄蕭蕭清秋暮刊本蕭訛瀟據劉文房集改

灞東晚晴古樹軹道旁刊本軹訛枳今改

卷一百五十



題武邱寺果得捐外慮刊本指訛損據劉文房集改

卷一百五十一

登潤州萬歲樓垂山古渡寒烟積案垂山疑蒜山之訛  
然山字已複出檢本集及皇甫冉集俱作丹陽

卷一百五十二

顏真卿小傳至德二載刊本載訛年據唐書帝紀改

卷一百五十三

李華詠史其一寒風吹墓田刊本墓訛暮據唐文粹改

卷一百五十九

孟浩然庭橋骨刺紅羅帔刊本帔訛被據唐四家詩集

改

卷一百六十

永嘉上浦館逢張八子容解宇鄰鮫室刊本鮫訛蛟今

改

送朱大入秦遊人五陵去刊本五訛武今改

卷一百六十一

李白古風其三十蒼蒼三珠樹刊本珠訛株據太白集

改

卷一百六十三

登高邱而望遠案太白集遠下有海字



陽春歌絲楊結烟桑裊風刊本桑訛垂據郭茂倩樂府  
改

卷一百六十四

清平調詞注上乘照夜白案白太白集及全唐詩話俱  
作車

卷一百六十六

侍從宜春苑選過菖若聽新鶯刊本若訛石據文選改  
僧伽歌一言讖盡波羅夷刊本讖訛散據太白集改

卷一百六十七

永王東巡歌注天寶十五載刊本載訛年今改

卷一百六十八

駕去溫泉後贈楊山人金章紫綬來相趨刊本章訛璋  
今改

卷一百七十一

於五松山贈南陵常贊府蘭幽香風遠刊本幽訛秋據  
太白集改

卷一百七十七

宣州謝朓樓注一作陪侍御叔華登樓歌刊本陪訛倍  
今改

卷一百八十



焦山望松寥山刊本脫松字據太白集增

卷一百八十一

下途歸石門舊居如今了然識所在刊本識訛失據太白集改

卷一百八十三

尋雍尊師隱居倚石聽流泉案石太白集作樹

卷一百八十四

上崔相百憂章共王赫怒刊本工訛公合改

卷一百八十五

冬日歸舊山蒼苔上壁生刊本上壁二字互倒據本集

改

卷一百八十六

韋應物買常侍林亭燕集凌露摘幽草刊本凌訛沒今改

卷一百八十八

郡中對雨的樂荷上集刊本樂訛礫今改

寄職方劉郎中羣列慕英聲刊本列訛烈據韋蘇州集改

登郡樓寄京師諸季刊本脫樓字據韋蘇州集增

卷一百九十



金匱要略卷九十八  
答長安丞裴說采菊露未晞刊本晞訛稀今改

卷一百九十九

岑參白雪歌忽如一夜春風來刊本如訛然據嘉州集

改

卷二百一

早秋與諸子登號州西亭殘虹挂陝北刊本虹訛紅今

改

卷二百六

李嘉祐九日歎老看衰柳刊本看訛堪據臺閣集改

卷二百七

贈王八衢山樹挂果恩刊本樹挂二字互倒據臺閣集

改

秋朝木芙蓉似有朝開暮落悲刊本開訛愁據臺閣集

改

卷二百九

劉太冲小傳天寶十二載刊本載訛年今改

卷二百十三

高適燕歌行序注英華作十六年案此御史大夫張公

張守珪也舊唐書守珪傳開元二十三年兼御史大

夫二十六年邀叛奚於湟水之北初勝後敗妄奏克



欽定四庫全書  
卷九十八  
獲篇中所詠卽其事也英華作十六年者誤

卷二百十八

杜甫乾安中寓居同谷縣作歌其四注一作竹林刊本  
林下衍遠字今刪

卷二百二十四

投贈哥舒開府注進封西平郡王刊本西平二字互倒  
據唐書哥舒翰傳

卷二百二十九

白帝城最高樓城尖徑仄旌旆愁刊本仄訛是今改  
卷二百三十一

江陵節度城陽郡王衛公幕刊本城陽二字互倒據舊

唐書衛伯玉傳改

卷二百三十四

虢國夫人注一作張祜刊本祜訛祜今改

卷二百三十九

錢起避暑納涼無事始然知靜勝案然知考功集作知  
然

卷二百四十一

元結酬孟武昌苦雪積雲閉山路刊本閉訛閑今改

卷二百四十九



皇甫冉和鄭少尹祭中岳肅事祠靈境刊本事訛寺據  
補闕集改

卷二百五十五

蘇源明小洞庭涇源亭宴四郡太守詩注史稱廢濟陽  
詩序縣郡仍舊案舊唐書帝紀天寶十三載六月廢  
濟陽郡新舊書地理志並同詩序稱天寶十二載七  
月則此時之濟陽固未廢也注衍

卷二百五十八

苗晉卿小傳天寶二載案舊唐書本傳作天寶一載此  
據新唐書又案帝紀天寶三載改年爲載此載字當

作年字

卷二百六十

秦系獻薛僕射序人或以其文聞於鄴留守薛公案舊  
唐書帝紀廣德元年薛嵩爲相州刺史大歷八年卒  
則此薛公薛嵩也本集小傳作北都留守薛兼訓蓋  
據新唐書隱逸傳與此異又案鄴在唐非都也不得  
有留守之名百家唐詩秦公緒詩正作鄴守薛公此  
留字衍

卷二百六十五

顧況瑤草春露桃穠李自成蹊刊本蹊訛谿今改



險竿歌驚猿繞樹枝頭裊刊本脫頭字據百家詩增

卷二百七十

戎昱送僧法和何處是恒沙刊本恒訛洹今改

同莘兗州巢父盧副端岳刊本盧訛盧據戴叔倫集改

卷二百七十一

竇常小傳出刺朗州固陵潯陽臨川四郡案朗州不得

言郡夔州在唐為雲安郡亦不得稱固陵此仍舊唐

書本傳之訛又舊書職官志天寶改州為郡置太守

乾元元年改郡為州置刺史則此時夔江撫三州似

不當稱郡且不得上言刺而下言郡也

賈鞏題劔津風前摧折千年劔刊本摧訛推今改

卷二百七十二

鄭昉落花始知山簡達刊本達訛遠今改

卷二百七十三

戴叔倫宿城南暑夜宿南城刊本南城二字互倒據韻

改

送柳道注一作送觀察李判官巡郴州刊本柳訛彬今

改

卷二百七十九

秋夜同暢當宿藏公院滅跡在縉流刊本縉訛淄今改



卷二百八十一

丁澤龜負圖桃花水自浮案廣韻集韻七虞內俱無浮字然唐人應試詩必無落韻之理應是韻本之誤

卷二百八十二

李益賦得早燕送別去來雙飛燕刊本飛燕二字互倒據韻改

卷二百八十六

李端晚春過夏侯校書人逢穀陽豎刊本穀訛穀豎訛望並據左傳改

卷二百九十七

王建酬柏侍御草間平路盡刊本間訛開今改

卷二百九十八

望夫石山頭日日風復雨案復別本作和

卷二百九十九

送吳郎中赴忠州山頭卓望旗注一作立刊本立訛邱今改

卷三百一

留別張廣文杏花寒食約同行刊本約訛的據別本改

卷三百三

劉商賦得射雉歌秋深爲爾持團扇刊本團訛圓據別



本改

卷三百四

送豆盧郎中赴海陵刊本脫中字據百家詩增

卷三百十二

羊滔小傳泰山人案唐郡縣無名泰山者此據羊氏郡望誤

卷三百十四

陳京小傳陳宜都王叔明五世孫刊本宜說宜今改

盧羣小傳終義成軍節度使刊本義說天據宰相世系表改

卷三百十六

武元衡八月十五酬從兄常望月有懷案下有酬太常從兄留別詩考唐書宰相世系表武氏亦無名常者此常上疑脫太字

夏日對雨寄朱放拾遺才非谷永儔刊本儔訛傳據百家詩改

卷三百十九

張聿賦得首夏猶清和刊本首夏二字互倒據文選改

卷三百二十二

權德輿伏蒙十六叔寄示喜慶感懷三十韻注十二代



祖前秦僕射刊本脫僕字今增

卷三百二十四

送清皎上人刊本皎訛浹今改

卷三百二十七

建除詩英威古不侔案侔字出韻疑殊字之訛

卷三百三十

崔邈享文恭太子廟樂章定和舒皦釋刊本釋訛澤據  
前樂章改

卷三百三十二

羊士諤乾元初嚴黃門自京兆少尹貶牧巴郡相期澤

畔吟刊本澤訛宅今改

上元日紫極宮門聊以答飛沈案答別本作達

卷三百三十三

楊巨源楊花落繁盈艷曳滿人家刊本繁訛榮今改

卷三百三十四

令狐楚小傳宜州華原人案華原天授二年屬宜州大  
足元年還雍州此誤

卷三百三十五

裴度溪居時有水禽啼刊本啼訛題今改

卷三百三十六



韓愈元和聖德詩序東定青齊積年之叛案齊昌黎集  
作徐

將歸操秋之水兮其色幽幽案秋昌黎集作秋

卷三百四十

寄皇甫湜注湜睦州新安人案舊唐書地理志新安開  
元十二年改爲還淳永貞元年改清溪此仍新書皇  
甫湜傳之訛

卷三百四十一

別趙子我遷於揭陽注至唐爲潮州刊本潮訛湘據元  
和志改

卷三百四十二

南溪始泛其三佳觀安可擲刊本可訛事據韓文考異  
改

卷三百四十三

盆池其三不煩鳴喚鬪雄雌刊本雄雌二字互倒據韻  
改

卷三百四十八

陳羽長安臥病秋夜言懷清風刻漏傳三殿刊本清風  
二字互倒據百家詩改

西蜀送許中庸殘魂怨子規刊本魂訛芳據百家詩改



鈔本四庫全書卷九十一  
卷三百四十九

歐陽詹東風序東風解疑發蟄之不若刊本蟄訛整今改

益昌行序吳興陸公長源案新唐書陸長源吳人此興字疑是郡字之訛然新舊書長源俱無爲工部郎中尹興元牧利州之文此疑別是一人

卷三百五十

柳宗元平淮夷雅右方城十有一章案宋元本皆止存十章

貞符序斯爲詭譎闕誕案爲河東集作皆

卷三百五十二

酬賈鵬山人幽貞素有慕刊本幽貞二字互倒據河東集改

卷三百五十三

芙蓉亭縹彩寒露濃刊本縹訛溥今改

渾鴻臚宅聞歌下沈秋水激太清刊本水訛火據河東集改

卷三百五十四

劉禹錫學阮公體其一焉能慕知幾刊本幾訛已據賓客集改



卷三百五十六

九華山歌序在池州青陽縣西南刊本青訛清據地理志改

樂天寄憶舊遊因作報白君以答別來幾度江南春刊本幾度訛已渡今改

卷三百五十九

衢州徐員外使君遺以縞紵注徐君自台州遷刊本君訛州今改

卷三百六十四

三閣辭其三已見黍離離刊本上離字訛雞今改

館娃宮其一笑入越王家刊本越訛楚據賓客集改

卷三百六十六

胡證和張相公太原山亭懷古詩刊本脫山字據前題

增

卷三百六十九

皇甫湜小傳新安人案新安據舊唐書當作清溪新唐書當作青溪或作還淳

馬異答盧仝結交詩羨獼猴兮著衣裳刊本獼訛獼今改

卷三百七十三



孟郊暮秋感思其二不啄太倉粟刊本啄訛喙今改

卷三百七十五

好鳥無雜棲案此首百家詩另題作夜集此似脫去誤

仍前題

石淙其五丹巘墮瓌景刊本瓌訛環據百家詩改

卷三百七十八

汝墳蒙從弟楚材見贈暮為行客吟案暮為東野集作

夕作

奉報翰林張舍人見遺之詩曾是醒古醉案古東野集

作方

卷三百八十一

吳劉言史顏色兩切磋刊本磋訛噉據百家詩改

卷三百八十二

張籍求仙行九皇真人終不下案皇司業集作華

白頭吟更開花池種芳樹案開花司業集作向華

烏棲曲西山作宮花滿池刊本花訛潮今改

卷三百八十三

哭于鵠笥無新衣裳刊本笥訛苟今改

南歸天寒苦夜長刊本天寒訛人言據司業集改

卷三百八十四



襄國別友遙映野棠枝案映別本作認

酬韓祭酒雨中見寄陰黑晝連宵刊本晝訛盡據司業

集改

同綿州胡郎中清明日對雨刊本綿訛錦據百家詩改

卷三百八十五

送李餘及第後歸蜀水店晴看芋草黃案草百家詩作

葉

贈道士宜師五字聲名遠處傳案聲百家詩作詩

寄蘇州白二十使君頭白金華未在身案在司業集作

老

卷三百八十六

繡衣石榻時到繡衣人案到百家詩作引

送僧往金川聞道谿陰山水好案谿司業集作漢

卷三百九十一

李賀惱公登樓撰馬髮刊本撰訛選據昌谷集改

卷三百九十二

馮小憐齊宮妾駕鞭案妾駕昌谷集作駕妾

卷三百九十三

京城驅馬出門意案門昌谷集作城

卷三百九十六



元稹小傳河南河南人刊本下南訛內據唐書本傳改  
卷三百九十九

蟲豸詩序司馬通川郡刊本州訛川據唐書地理志改  
卷四百五

開元觀閒居求藥意何謙注來句有永慙沾藥犬刊本  
來訛本今改

卷四百六

紀懷李六戶曹消碎瑩壺冰案消碎長慶集作清澈

卷四百十八

俠客行海鯨分海滅海力俠客有謀人不識刊本脫海

鯨二字又識下衍測字並據長慶集增刪

卷四百十九

西京伎注平時開遠門外立堠云去安西九千九百里  
以示戍人不爲萬里行其實就盈數也刊本成訛戎  
其實就盈數也訛其就盈故也據白氏長慶集改

又案唐六典京城西面三門北開遠舊唐書地理志  
安西都護府治龜茲國城內漢書西域傳龜茲去長  
安七千四百八十里唐書西域傳龜茲卽漢西域舊  
地也在京師西七千五百里新舊唐書作七千里而  
羸俱與此異



卷四百二十六

白居易新豐折臂翁萬人冢上哭  
叻叻注卽鮮于仲通  
李宓曾覆軍之所也刊本宓訛密據唐書帝紀改  
又不賞邊功防黷武注痛抑其賞刊本賞訛黨據通

鑑改

蠻子朝箭孔刀痕滿枯骨注天寶十載鮮于仲通統兵  
六萬刊本載上行三字案通鑑天寶十三載劔南留  
後李宓將兵七萬擊羅閣鳳非鮮于仲通也討南詔  
乃天寶十載事今據改

卷四百二十七

陰山道五十匹縑易一匹案五十新舊唐書俱作四十  
井底引銀餅笑隨女伴後園中刊本文訛戲據長慶集  
改

卷四百三十一

鄧州路中作秋梨葉半赤刊本亦訛圻據長慶集改

卷四百三十四

宿溪翁辭翁向朝市刊本辭訛醉據長慶集改

卷四百三十五

長恨歌傳其爲人心羨慕如此刊本脫爲字據太平廣  
記增 又夜殆半案太平廣記作夜始半



卷四百三十六

代書詩一百韻策目穿如札注時與微之結集策略之  
目案長慶集無結字 又加餐亦似飢案亦才調集  
作承

卷四百三十八

累土山恐見新山望舊山案望長慶集作忘  
燕子樓序盡歡而去刊本盡訛一據長慶集改

卷四百三十九

北樓送客歸上都長津欲渡迴船尾刊本船訛渡據長  
慶集改

石樓樹夏蕊濃焚百合香案合長慶集作和

卷四百四十

春來春來觸動故鄉情刊本動訛地據長慶集改  
潯陽宴別笙歌祖帳間刊本間訛前據長慶集改

卷四百四十一

傷春詞案詞長慶集作曲

卷四百四十五

和微之詩序微之又以近四十三首寄來案四長慶集  
作二又案下云四十二章曆掃並畢題標二十三首  
而詩又實得二十二首應多脫誤



和望曉宮闕方輪奐刊本奐訛換今改

卷四百四十六

朔一日周流六十回案顧炎武曰大月之朔一月五十八回小月則五十六回無六十回也

卷四百四十八

從陝至東京風光四百里車馬十三程案舊唐書陝州至東都三百里考新書百官志凡三十里有驛此云十三程則知當爲四百里也

卷四百五十

想東遊五十韻平河七百里注自常及杭凡三百里案

元和志常州至蘇州一百九十里蘇州至杭州三百

七十里此誤

答王尚書莫愁州守不頻遊刊本愁訛忘據長慶集改

卷四百五十一

同王十七庶子各從仕祿休明代案仕祿長慶集作祿仕

卷四百五十三

題裴晉公女儿山刻石詩後利滯浸入地刊本地訛池

據長慶集改

卷四百五十四



六年冬暮贈崔常侍晦叔案長慶集六年上有太和二  
字

卷四百五十六

以詩代書寄戶部楊侍郎林園亦要趨開置刊本趨訛  
聞據長慶集改

卷四百五十八

自解王道前生應畫師注王右丞詩云刊本丞下衍相  
字據長慶集刪

殘春晚起莫言病後妨設笑案言長慶集作嫌

卷四百六十

狂吟七言十四韻注十六句缺二字十七句缺一字案

今詩並無缺字應係後人所補

禽蟲十二章其二焉用鯤鵬鱗羽多刊本鯤訛鴟今改

卷四百六十三

盧真七老會詩烟霞萬里會應通刊本通訛同據長慶

集所載七老會詩改

卷四百六十五

楊衡權注一作戒昱詩刊本詩訛時今改

卷四百六十七

車融送客之杭懸想到杭州興地案到杭州三字應蒙



上文致誤

卷四百六十九

長孫佐輔隴西行天寒指欲墮刊本天訛入據別本改

卷四百七十三

李渤喜弟淑再至爲長歌長兄年少曾落拓刊本拓訛  
托據別本改

卷四百七十五

李德裕秋日登郡樓應無歸去時刊本時訛期韻覆出  
據別本改

北固懷古注平陽齊澣刊本澣訛幹據唐書改

卷四百八十

李紳小傳潤州無錫人案新舊唐書地理志無錫屬常  
州不屬潤州此誤

逾嶺嶠萬壑奔蕩溢作瀧刊本湯訛場據百家詩改

卷四百八十九

舒元輿坊州按獄稂莠須耘薳刊本薳訛耨據韻改

卷四百九十三

沈亞之答殷堯藩贈罷涇原記室刊本原訛源據唐書  
方鎮表改

曲江亭望慈恩杏花發曲臺晴好望案臺刊本作池



卷四百九十四

施肩吾遇李山人莫教青竹化爲龍刊本教訛交今改

卷四百九十六

姚合送家兄赴任招義刊本招訛昭據唐書地理志改

卷五百五

何希堯探蓮曲刊本探訛操今改

卷五百六

章孝標鷹向人鷓斷碧絲繚注鷓苦咸切刊本苦訛知

據篇海改

卷五百八

李敬方聞高侍御卒貶所身沒事多誣刊本誣訛符今

改

卷五百十

張祜車遙遙妾身如轍遺漸遠案遺刊本作移

寄盧載勿謂今劉二刊本勿訛忽據別本改

卷五百十一

觀杭州柘枝碧排方胯背腰迴刊本迴訛來據才調集

改

卷五百十四

朱慶餘上江州李使君刊本使訛史據別本改



卷五百十六

厲元緜山月夜聞王子晉吹笙遺音過汝墳刊本音訛  
香據別本改

卷五百十八

雍陶寄永樂殷堯藩明府手版支頤向白雲刊本版訛  
板今改

卷五百二十一

杜牧題永崇西平王宅太尉愬院國號太梁公注太尉  
季弟司徒聽亦封梁國公刊本聽訛德據唐書改又  
案新舊書愬與聽俱封涼國公此作梁誤

卷五百二十二

鴉擾擾復翩翩刊本翩翩訛翻翻據樊川集改

卷五百二十三

贈鄭瓘協律刊本脫贈字據別本增

卷五百二十四

寄浙西李判官燕臺上客意何如刊本何如二字互倒  
據韻改

卷五百三十九

李商隱人欲秦中久已烏頭白刊本久已二字互倒據  
本集改



北齊其二晉陽已陷休向顧案北齊書高阿那肱傳後  
主于天池校獵晉州馳奏云平陽城已陷明旦即欲  
引軍淑妃請更合一圍此晉陽當是平陽或晉州之  
誤

卷五百四十一

偶題春叢定是饒棲鳥刊本是訛見據朱鶴齡及程夢  
星本改

驕兒詩豪鷹毛崩劣注崩仕力反刊本仕訛化據廣韻  
改

行次西郊作蛇年建丑月刊本丑訛午據原集改

卷五百四十二

牛叢少傅僧孺之子刊本孺訛儒據唐書改

卷五百四十三

喻鳧送石賁歸吳興案此詩亦見姚鵠集賁作貫

卷五百四十八

薛逢送剡客扁舟幾處逢溪雪刊本舟訛州今改

卷五百五十二

李宣古杜司空席上賦注長林公主曰案新舊書杜悰  
傳及新書公主傳俱云悰尚岐陽公主此誤

卷五百五十三



欽定四庫全書 卷九十八  
姚鵠旱魚詞上苗相公案此詩又見項斯集

卷五百五十四

項斯聞蟬于可念因循案百家唐詩于字闕

卷五百五十七

王鐸小傳爲魏博節度樂從訓所害案唐書從訓係魏  
博節度樂彥禎子此誤

卷五百五十九

薛能天際識歸舟歌聞舊日謳刊本聞訛聲今改

卷五百六十

孔雀遣作傴傴送一杯注一作婆婆刊本娑訛婆今改

卷五百六十一

雲花寺上方林榭獨儒衣注一作著刊本著上行獨字  
今刪

卷五百六十三

楊知至小傳後以比部郎中知制誥刊本比訛北今改

卷五百六十四

王巖和于中丞登越王樓仲宣徒有嘆刊本宣訛宜今  
改

卷五百六十六

陸肱小傳後牧南康郡案稱郡不應言牧此誤



卷五百七十一

賈島延壽里精舍寓居荒棲遂愚慵刊本棲訛樓今改

卷五百七十三

送李傳侍郎劔南行營去年西甸邑刊本西訛新今改

卷五百七十七

温庭筠中書令裴公挽歌詞其二金滕竟不開刊本竟

訛意今改

卷五百八十二

題西平王舊賜屏風黃鸝猶轉舊池臺刊本轉訛濕據

七律英華改

卷五百八十三

題谷隱蘭若案此詩又見段成式集

卷五百八十五

劉駕長門怨御泉長繞鳳凰樓刊本樓訛樓據韻改

卷五百九十

李郢酬王舍人雪中見寄三日柴門擁不開案此詩又

見韓愈集

卷六百三

許棠登凌歊臺刊本歊訛敲今改

送友人西遊蜀郡巴興千萬岑刊本岑訛尋據文化集



改

卷六百八

皮日休七愛詩盧徵君鴻案舊唐書隱逸傳作盧鴻一  
葉夢得曰鴻一蓋二名與中嶽劉真人碑所言合新  
史刪去一字不知何據此仍其訛

卷六百九

魯望昨以五百言見貽宗匠紛如煙刊本匠訛社 又  
夷險但明月刊本險訛儉今並改

卷六百十二

江南書情二十韻藥苞陳雨匿刊本雨訛爾今改

卷六百三十二

司空圖下方避世迹非真案迹唐百家詩作卽

長亭終年共酒衣刊本酒訛酒據百家詩改

卷六百三十五

周繇公子行青衫薄薄漏春風刊本衫訛山今改

卷六百三十八

張喬贈仰山大師刊本脫山字據百家詩增

送友人東歸遠涉期秋卷案卷百家詩作卷

送友人遊湖南重來會近期案期字韻複出有誤

卷六百三十九



欽定四庫全書  
卷九十一  
江上逢進士許棠平江流曉月棠流百家詩作留  
尋桃源武陵春草齋刊本陵訛林今改

卷六百四十

曹唐洛東蘭若夜歸刊本脫夜字據百家詩增

仙子送劉阮出洞碧山明月照蒼苔刊本照訛閉據百  
家詩改

卷六百四十四

李咸用長歌行蛾眉螻首聊我仇案我百家詩作成

卷六百四十五

惜別俱爲鄒魯客刊本客訛士據百家詩改

宿隱者居因居識躁君刊本居訛君據百家詩改  
九江和人贈陳生意深皆可補案可百家詩作有

卷六百四十六

廬陵九日四十二年愁裏過刊本愁訛秋據百家詩改  
同友生春夜聞雨此時農叟渾無夢刊本農訛童據百  
家詩改

卷六百四十九

方干題普竇禪師壁長年隨檜柏案長元英集作度

題碧溪山禪老案元英集無山字

卷六百五十



上杭州姚郎中能除疾癘似良醫刊本癘訛瘼據元英集改

送葉秀才赴舉藝至身心亦自知刊本身心二字互倒據元英集改

卷六百五十二

劉尚書新創敵樓二首刊本脫劉字據元英集增

賊退後贈劉將軍白首知無憚上肉刊本首訛馬據元英集改

卷六百五十三

山中寄吳潘禪僧知見理刊本僧訛生據元英集改

東陽道中作野火不知寒食節刊本火訛父據元英集改

卷六百五十四

羅鄴經故洛城崩處空餘數里塵刊本餘訛為據百家詩改

謝友人遺華陽巾剪霧裁烟勝角冠刊本霧訛露裁訛裁並據百家詩改

洛水流入深宮悵更多刊本入訛水據百家詩改

趁職單于留別闕下知已笑隨征騎入胡沙刊本笑訛

笑據百家詩改



春風如何一統車書日刊本統訛瑞據百家詩改

雞冠花謝家新染紫羅囊刊本囊訛裳據晉書及百家

詩改

春日與友人話別坐酌對芳草刊本坐酌二字互倒

又莫嫌驅馬倦刊本莫訛最 又華髮時將逼刊本

時將二字互倒並據百家詩改

邊將賀筵花畔玉盤新案盤百家詩作蟾

卷六百五十五

羅隱寄鄭補闕別來愁悴知多少案悴甲乙集作緒

秋日有酬宴罷嘉賓吟鳳藻刊本吟訛迎據甲乙集改

卷六百五十六

春日憶湖南舊遊金貂見賜嘉賓散刊本賜訛服據甲

乙集改

卷六百五十八

湘中贈范鄖眼前膠漆似烟嵐案似甲乙集作是

卷六百五十九

所思東浮滄海一何遲案浮甲乙集作歸

卷六百六十

病中上錢尚父左脚妨行右臂攣刊本妨訛方據甲乙

集改



卷六百六十一

春日投錢塘元帥尚父麥城王粲漫登樓案麥甲乙集

作鄂

卷六百六十三

寄崔慶生案孫甲乙集作生

卷六百六十四

寄無相禪師有緣有想應非佛刊本想訛相據甲乙集

改

青山廟不知魂魄更歸無刊本歸無二字互倒據甲乙

集改

卷六百六十五

人日新安道中長途酒醒臘春寒案春甲乙集作天

卷六百六十九

章碣城南偶題北闕風高隔紫台刊本台訛苔據百家

詩改

贈婺州蘇員外烟月一時搜古跡刊本跡訛句據百家

詩改

旅舍早起驚鳥同厭夜刊本鳥訛舟 又曉角和人戰

刊本曉訛晚據百家詩改

上元夜建元寺觀燈呈智通上人案智通百家詩作通



濟

卷六百七十

秦韜玉塞下塵旗風緊馬蹄勞案勞百家詩作豪

卷六百七十三

周朴春日途中寄南巴崔使君刊本日訛中據百家詩改

卷七百七十六

鄭谷獻制誥楊舍人案制誥雲臺編作待詔

卷六百七十八

許彬尋白石仙人澗刊本仙訛山據百家詩改

卷六百八十

韓偓翫水禽注在湖南醴陵縣作刊本湖訛古據翰林

集改

卷六百八十四

吳融途中有樹始知村刊本村訛春據唐英集改

卷六百八十五

賦雪馬勢晨爭急案急唐英集作息

雪十韻裁花點藻宮刊本裁訛裁據唐英集改

卷六百八十七

春歸次金陵更被東風動離思刊本更訛便據唐英集



改

途中見杏花林空色曙鶯先到刊本曙訛眠據唐英集

改

風雨吟悲傷怨恨聊相寄刊本悲訛怨據唐英集改

卷六百八十八

裴贄小傳累擢右補闕刊本累擢二字互倒今改

卷六百九十一

杜荀鶴送九華道士遊茅山誰得見君還案還唐風集  
作顏

送姚庭珪看君馬上詩案唐風集作時

卷六百九十二

題開元寺門閣案唐風集無門字

辭鄭員外入關帆飛楚國風濤潤案潤唐風集作潤

閒居卽事入門莎徑靜相宜刊本莎訛前據唐風集改

卷六百九十三

將過湖南徑馬當山廟其一自有神龍衛過湖刊本神

龍二字互倒據唐風集改

卷六百九十五

羣莊驚秋曾負秋風多少秋案下秋字浣花集作愁

卷六百九十六



題許渾詩卷惠休虛作碧雲詞刊本休訛林據浣花集  
改

卷六百九十七

和鄭拾遺秋日感事睿澤喜洋洋刊本喜訛轉據浣花  
集改

卷七百

古別離少年長抱長年悲刊本長年訛少年據浣花集

改

卷七百二

張蠟野泉源發在深空案空字韻複出有誤

送縉雲尉野阪樓中迴刊本阪訛飯據百家詩改

送友人歸武陵閒田長荻芽刊本芽訛花據百家詩改

贈南昌宰每鋤奸弊同荆棘案奸百家詩作積

卷七百四

黃滔寄友人間有勢利刊本人間訛入門據百家詩改

卷七百五

寄越從事林嵩侍御道在人間久便香案便百家詩作

更

送友人明經及第東歸刊本脫友字據百家詩增

卷七百六



省試奉詔漲曲江池恩波注後新刊本注訛佳 又旋

濶映梅津刊本梅詔樓並據百家詩改

壺公山寺歷興衰創刊本歷訛立據百家詩改

卷七百七

殷文圭和友人送衡尚書赴池陽副軍刊本軍訛車今  
改

卷七百八

徐夤追和常建歎王昭君淚盡黃沙雨刊本沙訛雲據  
百家詩改

覽柳暉汀洲採白蘋之什刊本暉訛暉據古詩紀改

卷七百九

醉題邑宰南塘屋壁萬古清淮碧繞環刊本碧繞環訛

照遠天據百家詩改

贈月君注顧彥先亦有贈婦詞刊本脫詞字據百家詩  
增

寄兩浙羅書記進卽湮沉退却升案卽百家詩作却

卷七百十

李翰林謫下三清第幾班刊本第幾班訛列八仙據百  
家詩改

咏簾素節輕盈珠影勻案珠百家詩作透



燕鷗鶚不容應自怪棟梁堪庇願相依刊本自訛不堪  
訛相據百家詩改

卷七百十一

張儀籠得蒼蠅却放飛案蠅百家詩作鴈

卷七百十五

裴諧句注見詩話摠龜刊本龜訛歸今改

卷七百十六

曹松哭李顏員外注時在建州刊本州訛川據別本改

卷七百十七

宿溪僧院年少雲溪裏刊本年少二字互倒據曹松本

集改

卷七百十八

蘇拯獺犬行人言多拏攫刊本攫訛躩今改

卷七百二十

裴說聞砧時時舉袖勻紅淚案紅別本作殘

卷七百二十二

李洞贈宋校書病鶴放歸林案林字出韻應是雲字之

訛

卷七百二十四

唐求送友人歸邛州漸寒沙上雨注一作路刊本路訛



驚據唐隱居集改

題李少甫別業繞戶白雲終日在刊本戶訛岸據唐隱  
居集改

卷七百二十七

張直小傳青州王師範嘗聘之刊本王師訛主帥據五  
代史改

卷七百二十八

周曇詠史詩晏嬰驅車向必用奔馳刊本驅訛軀據別  
本改

郇成子刊本郇訛郇據孔叢子改

卷七百三十二

南詔驃信星回節遊避風臺注清平者猶唐之宰相刊  
本唐上衍南字據南詔傳刪

卷七百三十六

王仁裕從蜀後主幸秦州刊本州訛川據前蜀世家改  
卷七百三十七

馮道小傳追封瀛王刊本瀛訛羸據五代史改

卷七百三十八

馮延巳早朝侍臣蹈舞重拜刊本蹈訛踏今改

卷七百四十



金定四庫全書考證 卷九十一  
廖凝小傳後與馬希萼同遷金陵刊本萼訛雲據五代史改

卷七百四十一

劉炯句愔愔日暮好沽中注家國愔愔刊本國訛園據南唐書改又案愔馬氏書作陰

卷七百四十三

孫魴楊柳枝詞其五不爲離情莫折伊刊本爲訛謂據唐百家詩改

沈彬塞下其三貳帥骨根千夫壯刊本貳訛二據漢書改

卷七百四十五

陳陶飛龍引老兔春高桂宮白刊本春訛春今改

卷七百四十六

閒居寄太學盧景博士案景別本作璟

贈容南韋中丞九譯梯航壓要津刊本譯訛驛今改

卷七百四十七

李中姑蘇懷古漁笛起扁舟刊本扁訛偏今改

卷七百四十八

送孫齋書記赴壽陽辟命刊本辟訛壁今改

卷七百五十



題徐立教池亭刊本立說五據別本改  
又夜浸愛蟾  
蜩刊本蟾訛蟬今改

卷七百五十一

徐鉉小傳廣陵人案陸氏南唐書徐錯傳作會稽人此  
從宋史文苑傳

山路花倚山臨路自嬌  
燒刊本燒訛饒據別本改

卷七百五十二

秋日雨中銀臺鑰入須歸去案鑰騎省集作鎖

送歐陽大監遊廬山林泉已近暑天秋案暑騎省集作  
洞

卷七百五十三

送客至城西枚叟鄉生笑語同刊本枚訛牧據騎省集  
改

卷七百五十四

移饒州別周使君院伯臺前收別宴刊本院訛院據騎  
省集改

卷七百五十五

和門下殷侍郎新茶遙想湧金泉注陽羨茶山有金沙  
泉刊本沙訛涉據方輿勝覽改

卷七百五十六

次定回重入書考登  
卷九十八  
三



徐錯秋詞兩久莓苔紫刊本莓訛梅據別本改

查文徽小傳李璟時元宗以取閩功拜撫州觀察使案

南唐元宗即李璟也此有誤

李家明元宗釣魚無獲進詩凡鱗不敢吞香餌刊本餌

訛耳據別本改

卷七百六十二

詹敦仁柳提詩種柳百餘株刊本株訛林據別本改

幸夤遜句爭得泥金在泰山注見吟窻雜錄刊本雜訛

集今改

卷七百六十三

徐仲雅句山色曉堆螺黛兩刊本螺訛羅據別本改

卷七百六十五

王周小傳注近則梁之貞明刊本貞訛禎據五代史改

石首山注澤之大首有石刊本石訛此據別本改

公會亭標名信必臧刊本信訛姓今改

卷七百六十六

劉兼春怨長林深夜泣湘絃刊本湘訛緇據別本改

卷七百六十七

孫元晏詠史詩徐盛欲把江山鼎足分案分字出韻有

誤



卷七百六十八

邱光庭補茅鴟序學樂誦詩舞勺刊本誦訛習脫勺字  
並據禮記改增

卷七百六十九

朱絳春女怨紫荊花下囀黃鸝案花下別本作枝上

卷七百七十八

梁陟送孫舍人歸湘州案唐無湘州詩中有清漳句當  
是相州之誤

卷七百八十

康翊仁鮫人潛織幽閒雲碧牖案碧唐試帖作母 又

絲縈藕綵添刊本綵訛淬據試帖改

卷七百九十一

城南聯句瘁肌遭蚝刺刊本蚝訛蚝據昌黎集改

卷七百九十五

臨川小吏句三月不辭千日醉刊本不訛能今改

卷七百九十六

無名氏句妾如有異意刊本有訛無今改

卷七百九十七

開元官人袍中詩結取後生緣案結取別本作重結

卷七百九十九



魏氏贈外朝朝臨粉鏡案粉別本作妝

林氏送男左貶詩腸斷腹非苦案腹非別本作復何

趙氏古興案古興別本作擬古

王韞秀喻夫阻客案喻夫別本作諫外

卷八百

柳氏小傳寄法靈寺爲尼刊本法訛決據太平廣記改

姚月華怨詩寄楊達春水悠悠春草綠案別本作春草

萋萋春水綠

嚴續姬刊本嚴訛韓據南唐書改

卷八百九

靈一妙樂觀忽見一人擎茶碗松花昨夜風吹滿刊本

擎訛檠松訛簦並據別本改

卷八百十一

護國題醴陵玉山觀注一作題王喬觀傅道士所居刊

本居訛得據別本改

許州鄭使君孩子案鄭才調集作趙

法振送韓侍御離亭不惜花源醉案亭別本作筵

卷八百十三

無可冬晚與諸文士會太僕田卿宅須期月再團刊本

團訛圓據韻改



卷八百十五

皎然杼山禪居身當青山秀注青山有吳均故宅刊本  
均訛筠據唐文粹改

酬崔侍御見贈與君爲此說注一作一從居士說刊本  
脫一作二字今贈

卷八百二十

從軍行其二漢旆拂丹霄刊本漢訛韓據郭茂倩樂府  
改

卷八百二十一

奉和顏魯公真卿注楚章華臺成願與諸侯落之刊本

願與訛影願據左傳改

夏桐椀爲龍吟歌聲生虛無非椀中刊本聲訛真據別  
本改

陳氏童子草書歌偶然長掣濃又燥刊本又訛入據別  
本改

山月行夜夜孤明看月上刊本看月訛我山 又月本  
無心人不同刊本人訛同並據別本改

卷八百二十六

貫休善哉行婉如清揚刊本清訛青今改

卷八百二十七



聞知已入翰林儵忽四天下刊本儵訛儵據莊子改

卷八百二十八

觀懷素草書歌注一本有上人二字刊本字訛首今改  
送盧舍人其三注蔣仲相國刊本闕仲字據別本補

卷八百三十一

送友人及第後歸台州共禮淨身師注天台石橋有帛  
道猷坐化身淥也刊本帛訛白今改

卷八百三十二

贈許徵君畫公友秦系刊本系訛奚今改

卷八百三十三

覽姚合極元集至鑿如日月刊本鑿訛覽今改

卷八百三十七

送鄭使君薺萄林中禮萬迴刊本萄訛葡今改

卷八百四十一

齊已謝重緣舊山水障子已覺中心朽刊本中心二字  
互倒今改

卷八百四十二

贈白處士衣衫同野叟刊本野訛墅今改

卷八百四十五

行次宜春寄湘西諸友雲中石壁青侵漢刊本侵訛浸



據別本改

宜春江上寄仰山長老其一  
清泉白石中峯上  
刊本石訛日今改

卷八百四十六

逢進士沈彬欲話趨時首重搔  
刊本搔訛騷今改

卷八百四十七

還人詩卷刊本脫詩字據別本增

採蓮曲清波生漪漣  
刊本漣訛連今改

卷八百四十九

修睦送元泰禪師鳥外晚峯青  
刊本鳥訛島據別本改

卷八百五十三

吳筠高士詠壺邱子元化誰能知  
案知字韻復出有誤

卷八百五十四

杜光庭句遺形忘性盡真詮  
刊本詮訛銓今改

卷八百五十五

鄭遨山居看雲忽見仙  
刊本仙訛山據杜光庭詩改

卷八百五十六

呂巖七言其三十甲龍天矯迸  
靈泉刊本矯訛喬今改

卷八百五十九

題四明金鵝寺壁渴心耿耿生  
埃塵刊本渴訛謁今改



卷八百六十四

明月潭龍女與何光遠贈答詩其三何羨天星渡鵲橋  
刊本天星二字互倒據別本改

卷八百六十六

蘇檢妻與夫同詠詩注及寤果于席下得其詩刊本寤  
訛卧今改

卷八百七十

李濤題僧院注汜水關有不動尊院刊本汜訛泥今改  
鄆城令示女詩注陳敬瑄大師任西川刊本沿宋諱脫  
敬字今增

卷八百八十四

莊南傑古松歌森沈翠蓋烟案烟字與下韻不叶有誤

卷八百八十五

司空圖旅中重陽蟬聲纒盡卽青春刊本蟬訛蟾今改

卷八百八十七

林披秋氣尚高涼山川雖遠觀刊本山訛出據別本改

卷八百八十九

後主煜菩薩蠻其一奴爲出來難刊本奴訛好據詞統  
改

卷八百九十



李白清平樂其二宸衷教在誰邊案衷歷代詩餘作遊  
王建調笑令其一美人並來遮面案並王建集作病

卷八百九十一

溫庭筠荷葉杯正思惟案思惟詞綜作相思

皇甫松天仙子其一十二晚峯青歷歷案青詞綜作高

卷八百九十二

韋莊菩薩蠻其三皓腕凝雙雪案雙花間集作霜

卷八百九十五

毛熙震後庭花其三滿庭花片案片歷代詩餘作綻

卷八百九十六

李珣南鄉子其四遊女帶香偎伴笑刊本遊女帶香詔

帶香遊女據詞綜改

卷八百九十七

閻選注後蜀處士詞十首刊本脫士字又十首訛七十

七首今並改增

卷八百八十九

無名氏菩薩蠻須道花枝好案須詞統作却



欽定四庫全書  
卷之六  
李



